

Uloga ambasadora zemalja članica Upravnog odbora Vijeća za implementaciju mira u BiH

Ured Visokog predstavnika želi da pojasni ulogu diplomatskog kora s jedne strane, te Medjunarodne zajednice uključujući ambasadore zemalja članica Upravnog odbora Vijeća za implementaciju mira s druge.

Becka konvencija o diplomatskim odnosima je napravljena prije skoro četrdeset godina kako bi se regulisali redovni bilateralni diplomatski odnosi između država. Ambasadori i njihovo osoblje, koje obavlja bilateralne poslove u skladu sa ovim pravilima, sačinjavaju ono što se naziva diplomatskim korom. Takav je slučaj i u Sarajevu i na svim drugim mjestima.

U Sarajevu, pored diplomatskog kora imamo još jedno tijelo koje se neformalno naziva Medjunarodnom zajednicom. Ona se sastoji od Visokog predstavnika koji je konačni autoritet u civilnoj implementaciji, SFOR-a, sefova ostalih medjunarodnih organizacija, kao i ambasadora zemalja članica Upravnog odbora, a prisutna je u Sarajevu ne samo u ime svojih vlada, već uglavnom u ime Vijeća za implementaciju mira. Medjunarodna zajednica je prisutna zbog činjenice da se ovdje desio užasni bratoubilacki rat, koji je pustosio ovu zemlju samo prije nekoliko godina i koji se ne bi mogao završiti bez intervencije medjunarodne zajednice. Čak se i danas sa implementacijom mira ne bi moglo ći naprijed bez prisustva Medjunarodne zajednice.

Gore navedeno ne znači da se ne mogu kritikovati pojedinačne aktivnosti članova Medjunarodne zajednice ili Medjunarodne zajednice u cjelini. Jednostavno rečeno, nije realno očekivati

da se u sadašnjoj situaciji u BiH primjenjuje tradicionalni koncept neuplitanja u unutrašnja pitanja.

Gradjani i narodi Bosne i Hercegovine mogu biti sigurni da će Medjunarodna zajednica nastaviti sa vršenjem svoje uloge u skladu sa zahtijevima Vijeca za implementaciju mira, sve dok politicki lideri BiH ne preuzmu odgovornost na adekvatno konstruktivan nacin.